

中華民國郵政特准掛號認爲新聞紙類

中 華 民 國 三 年 五 月 二 十 號  
湖 南 官 書 報 局 印 行

# 湖 南 政 報

## 本報價目

一本報按照陽歷每日出報一本  
每分每月收回大洋六角  
零售每分銅元四枚

一外埠購報郵費以購報之多寡酌加  
一夫役送報如有遺漏請即函告以便補發

印刷 學院街官書報局印課  
發行 文運街官書報局總發行所

湖南官書報局廣告

啓者本局官紙處製出官紙印刷極精取價極廉已呈由 都督兼民政長通令各機關來局購用在案查本局印製各種官紙概由本局官紙處收發課及文運街總發行所出售並無委託商店代銷情事倘各商店有售賣本局製造之官紙者卽係假冒射利一經查覺定卽呈請 都督兼民政長嚴懲不貸恐未週知特此登報宣告

本報廣告

現因洋價漲高自五月一號起本報零售每册加收銅元一枚特此聲明



目錄

命令

大總統令 京電

都督兼民政長令

訓令湖南出品協會 准事務局咨送美國賽會代表來函由

訓令澧縣知事 據王守熙等呈木業維持

訓令臨湘知事 准都督府函已抽撥軍隊一排駐

指令零陵知事 發還三月決

指令省倉管理員 請修築倉廩核准撥用

指令警察廳 呈請換防由各

指令澧縣知事 呈據石憲王等呈請照舊

指令芷江知事 據呈接收縣管倉穀查明虧挪各

指令醴陵知事 呈遵飭法請示由

指令甯鄉知事 呈稅契改章請示辦

指令常德知事 呈取市

訓令各機關發還 二三年各月分決算由

訓令鄂縣知事

據張濟南呈承租該縣西鳳墩涼亭下煤礦請飭勒等情仰即勒覆由

指令臨武知事

據賈元年農林統計尚屬合格并飭填實二年份統計申

指令鄱縣知事

呈該縣請演機關尚待籌款運辦請察核由

訓令瀏陽知事

上年借領倉穀尚多懸欠其穀已辦就刻日報繳如未購辦准援通案折價清繳由

訓令各縣知事

上年借領倉穀仰刻日措繳以裕儲備由

公文

內務總長朱啓鈴呈

大總統擬具禮日繕呈鑒覈批示文並

批附清單

都督兼民政長致貴州民政長

據股款清理處呈黔陽公函

通告

銓敍局通告



命令

大總統令

京電

宋聯奎給予二等嘉禾章此令

王金鏡給予二等嘉禾章此令

張鳳翽給予二等文虎章此令

吳慶桐給予二等文虎章此令

朱淑薪給予三等嘉禾章此令

李治雲給予四等嘉禾章此令

彭象乾給予五等文虎章丁叙山給予六等文虎章此令

陳金鏞給予五等文虎章翟玉振閻振清給予六等文虎章此令

任命馬龍潭爲東邊鎮守使此令

任命范壽銘爲河南豫東觀察使此令

據南陽鎮守使吳慶桐電稱幫統李治雲等率隊分路搜捕方城牛心等處山內藏匪擊斃甚多并擒斬前在棗陽與白狼夥結劫擒之匿首白瞎子開口馬其秀安萬福等各情該匪等糾夥肆劫貫盈就誅所有搜捕出力人員均着交部從優給獎以示鼓勵此令

海軍總長劉冠雄呈請任命黃鳴球補科長王傳炯署科長應照准此令



平政院院長汪大燮呈請任命陳洪道王紹鏊爲肅政廳書記長應照准此令

陸軍總長段祺瑞呈請任命洪璧爲四川都督府軍需課長曾鵬程爲四川都督府軍醫課課長應照准此令

司法總長章宗祥呈請任命劉含章高震朱震修朱孔文署廣東高等審判廳推事廖鶴齡署雲南高等審判廳推事沈寅駿署雲南高等檢察廳檢察官應照准此令

司法總長章宗祥呈請任命賀寅清李芟羅人東署河南高等審判廳推事王紹毅署江西南昌地方審判廳推事樓英洪文瀾署江西九江地方審判廳推事王廷揚爲江西高等審判廳書記官長應照准此令

陸軍總長段祺瑞呈請授閻振清爲陸軍礮兵上尉翟玉振爲陸軍步兵少校陳金鏞爲陸軍步兵中校應照准此令

陸軍總長段祺瑞呈請將項元漸許乃廣林一傑均授爲陸軍步兵少校卓其榮陶治民均授爲陸軍騎兵少校吳冠軍授爲陸軍憲兵上尉樊崧繪李震江葛鉞王爰斯洪球項城張祖華趙璧楊國熾陶昌權張乃森邵廷標葉梓陳孝臣沈辛嘉陳芸齋張振嶽劉清和傅國英盛碧潭張允燾端木堅陳景清林潤經吳得賢均授爲陸軍步兵上尉周卓立韓文彬何建章均授爲陸軍騎兵上尉張懋口官授爲陸軍礮兵上尉阮鍾良鄒戡均授爲陸軍工兵上尉童霄偉周時雄均授爲陸軍憲兵中尉金用礪黃恩榮彭光耀王冠熾盧垣均授爲陸軍步兵中尉趙



喜章陳燦均授爲陸軍憲兵少尉李鈞廖家駒鄭瀾賈振聲陳坤王定國袁煌坤王德賢徐慶  
珪林宗標駱衛青吳振揚張錫齡陳振勇徐文生黃傳清孫金標宋殿魁李錦標楊烈執徐美  
熾朱全寶葉錦止顧自雄周雲生張長清潘勝德呂爭先朱章瑞陳樹雲傅祀勇張燕昌沈昌  
榮周繼成李品蘭徐雲虎李祥林吳振芳李菊秋盧允葉桂松鄧雲龍劉錦標高韞升黃并球  
章彰戴宇方位陞張坤周銳黃飛虎陳鴻樹邵能震錢寶欽厲啓雄何錫照文松王元林吳得  
文楊在廷張浩郎愛仁關連俊曹英俊蔭昌孫裕泰趙迎喜陳陞階景元鄭啓明張炎紀吉慶  
炳林連泰夢瀛印耀添壽元郎李萬森錦文廣耀錫祐炳悅薩哈山燬禾崇普炳森裕恆錫昌  
錫爵榮培榮壽傳貴良富生定貴熊來殷榮貴李鴻慶魏成章稽惟忠朱文元邵復勵陳震蔣  
其炫嚴宗奎景奎唐國華文杰顯銳陳兆年項本李樹人張智方春華均授爲陸軍步兵少  
尉潘振聲林簡弼吳廷元陳祥葉宗華均授爲陸軍騎兵少尉陳奎潘雲景均授爲陸軍礮兵  
少尉魏庸董得興朱較均授爲陸軍工兵少尉陳汝謨胡大龍方佐庭管子雲蕭步陞吳樹恩  
均授爲陸軍輜重兵少尉應照准此令

領參謀長黎元洪稱陸軍第二十師參謀長易兆彬調綏幫辦軍務請開去參謀長口  
缺等語易兆彬准免本官此令

財政總長周自齊呈稱僉事趙廷馥呈請辭職趙廷馥准免本官此令

司法總長章宗祥呈稱吉林高等檢察廳書記官長歐陽雲呈請辭職歐陽雲准免本官此令



內務總長朱啟鈐呈據著湖北民政長呂調元轉據鄂北觀察使朱佑保呈稱技正鄭璜呈請辭職鄭璜准免本官此令

陸軍總長段祺瑞呈核覆管理炸器營事務江朝宗擬以文厚補空花翎慶喜補烏槍護軍校請予准補等語應照准此令

中華民國三年五月十七日

謹按

中央政府命令本報係照京電號碼譯登間或電碼有誤關係甚大應俟政府公布到隨時查對更正



都督兼民政長訓令

令湖南籌備巴拿馬賽會出品協會

實業司案呈案准籌備巴拿馬賽會事務局咨開為咨送事本年四月十五日接准美國政府特派巴拿馬賽會代表司徒斯密士等來函本勸導之忱具答謝之意特屬本局通致各部及各省民政長與協會同人等因到局茲將原函譯印合備函達即乞察照此咨并附送美國代表來函一件等因准此合行抄發令仰該協會即便遵照並函致出品各會一體知悉此令

湖南民政長印

中華民國三年五月十三日

都督兼民政長訓令

令澧縣知事

財政實業司會呈案據臨澧王守熙吳先鳴李道全徐傳柱等呈稱竊生等籍隸臨澧北鄉新安合口向以銷運木材為業地方學捐警捐及其他公益捐擔負頗鉅乃去歲八月突有木業維持會發現於澧縣之榮家河并在新合上游易家渡設關一所規定每串抽釐金錢壹十五文始准放行指定澧縣榮家河為驗票銷售之所不得中途私賣硬奪臨澧商民之營業近復被該會會長于吉人遞派委員督帶巡兵在新合一帶嚴查偷漏不知依據何項法律使商民失營



業之自由且合口客歲火災延燒數百家元氣之傷慘不忍言今復遭此毒手何能生存况該會名爲維持木業實則盤剝商民名爲自由集會實則違法設關印單彙粘性質易明仁督視民如傷諒不忍使遍地哀鴻而死於專橫之手是以奔懇都督兼民政長台前賞賜憐情作主派員查撤以蘇商困德爲萬便謹呈等情據此除批呈粘均悉查該會抽收木捐並未呈准有案輒敢藉名維持木業設關抽捐殊屬不合候飭澧縣知事查明撤銷究辦此批牌示外合行令仰該知事即便澈查究辦具復勿延此令

湖南民  
政長印

中華民國三年五月十三日

都督兼民政長訓令

令臨湘縣知事

實業司案呈案准湖南都督府函開逕覆者案准貴公署三年實字一二六號函開逕啓者據臨湘縣知事呈據該縣屬聶市商會總理姚登瀛等呈以該地方現當紅茶開市商賈輻輳擬請撥派防營以資彈壓等情據此相應鈔錄原呈備函送請貴府查核並希見覆施行等因准此除函請援川曹司令抽撥駐該縣軍隊步兵一排前往聶市彈壓外相應函覆貴公署查照是荷此致等因准此合行令仰該知事即便知照此令



湖南民  
政長印

中華民國三年五月十三日

都督兼民政長指令

令零陵縣知事

財政司案呈據該知事呈費三月決算冊表二本到署據此查各公署火食向歸各員自備冊開火食一項至四十三元之多殊屬非是餘如購置修繕各項細數均有錯誤茲將冊表簽明發還合行令仰該知事即便遵照將所支火食一項剔出不得開支妥爲另造冊表送本公署查核并呈報審計分處備查是爲至要此令

湖南民  
政長印

中華民國三年五月十三日

都督兼民政長訓令

令省倉管理員姚良楷

財政司案呈據該委員呈稱竊照省倉稽字版朽壞曾經呈奉派員查勘在案現在年字版盤空亦多朽壞自應同時興修以便貯穀詢據司事譚世植面稱存倉樹筒尙有三百八十四筒



如以之興修兩廩誠屬以公濟公理合呈乞鈞署查核示遵等因據此查倉廩朽壞固應修補完善以備貯穀公家存有樹筒以供應用亦無不可惟該兩廩應如何修築須撥公料若干尙須工價若干仰卽核實勘估詳細開單呈候核定合行令飭該管理員遵照此令

湖南民

政長印

中華民國三年五月十二日

都督兼民政長指令

令警察廳

內務司案呈據該廳呈請換頒各警署及商埠警署各關防等情據此查該廳所屬各警署既稱原有關防因改組後不能適用准如呈換頒以資信守茲經本公署飭匠將東西南北及外南外北六署關防分別刊就合卽令發令到該廳長卽便遵照轉給啓用一面飭令將原有關防十顆呈由該廳長彙齊繳銷仍將各該署啓用關防日期具報備查再商埠警署關係條約未便遽改現已緘商交涉署酌核辦理一俟緘復卽當飭遵合併飭知此令

湖南民

政長印

中華民國三年五月十三日



都督兼民政長指令

令澧縣知事

財政司案呈據該知事呈轉據縣民石憲玉等呈請仍照舊案附收契稅一分充作實業補助費請示遵等情據此查核所陳各節自係實情惟取銷契稅附加係屬遵奉中央定章以期劃一稅法應行一律照辦該縣未便獨異所請照舊附加之處碍難照准合行令仰該知事即便遵照併即轉飭知照此令

湖南民  
政長印

中華民國三年五月十三日

都督兼民政長指令

令芷江縣知事

財政司案呈據該知事呈報接收縣管倉穀經各機關挪用花戶借欠未還亟應切實清理請撰發嚴示並委員下縣協同追繳等因到署查倉穀爲地方民食所關從前州縣交代最屬重要不容稍有虧挪乃民國以還移歸地方紳士經管責無專屬遂致任意挪用延欠不歸實屬不成事體該知事既經查明情形應即從速清理毋庸另行委員協助仰即查明經手侵挪准其押追勒繳花戶借欠即行定限嚴催其因公挪用者亦應籌款彌補以重儲積毋稍縱延仰



即遵照切切此令

湖南民  
政長印

中華民國三年五月十三日

都督兼民政長指令

令醴陵縣知事

財政司案呈據該知事呈明會紳妥籌附加經費辦法請示遵等情據此查該縣因存留加提經費益形困難自係實情所請於田賦項下每正銀一兩附加一錢既據衆論僉同應准照辦收條費殊近瑣屑碍難照准又卷查該縣另有租股捐一項經前財政司批准試辦一年此次既議附加前項租捐應即遵照停收以符原案而免苛擾合行令仰該知事即便遵照辦理此令

湖南民  
政長印

中華民國三年五月十三日

都督兼民政長指令

令甯鄉縣知事



財政司案呈據該知事呈明契稅喜捐可否照舊附征以及舊契補稅如何辦法經理稅契經費請歸公擔任等情均悉查該縣喜捐一項向爲辦理都學之用固屬要款惟現在縣署行政經費已歸國庫擔任田賦酌提存留准其酌量附加地方經費當可足資挹注毋庸於契捐取盈致妨通案所請照舊附征之處碍難照准餘候國稅廳籌備處查核示遵合行令仰該知事即便遵照此令

湖南民  
政長印

中華民國三年五月十三日

都督兼民政長指令

令常德縣知事

財政司案呈據該知事呈稱收回各行商紙幣業經三次銷燬並取締各印刷店再不印刷市票暨未收回各票幣勒限收回銷燬等情到署據此查該縣紙幣充斥甲於他處經該知事迭次飭令商會收回銷燬辦理認真殊堪嘉許其未收回各票幣亟應勒限一律收回悉數銷燬以期早日廓清俾竟全功而肅幣制合行令仰該知事即便查照此令

湖南民  
政長印



中華民國三年五月十三日

都督兼民政長指令

令辰沅道警察廳 水警籌備處  
衛永 電話局 開濟導河船

財政司案呈准審計分處函開案照各機關造送二三年各月份決算分冊附具各款支出收據十六本又二十束到處茲經審查無異逐件蓋章相應分別開單將原件送還即祈察收轉發各該機關保存等因並送各收據到署准此除分發外合行令發該處 即便查收保存可也

此令

湖南民政長印

中華民國三年五月十三日

都督兼民政長訓令

令郴縣知事

實業司案呈據張濟南呈稱竊維煤礦為人民需要之資料亦即實業上之一部分湘省近數年來各路礦產逐次開採實業之發達日甚社會之利益日增即民國富強之基礎也南等為國民一分子即當盡一分子之義務享一分子之利權爰於民國三年二月契租郴縣秀才鄉離城二十里張姓遺業之地名西鳳嶺涼亭下荒山一處為開採煤礦之所招股集資定名為



寶聚公司查該山實張姓遺業週迴抵界分明並無輟轉等弊但普通營業可以自由而礦山營業必經國家許可日本所以有免許狀而我國鑛章所以有立案請發執照之手續也雖煤鑛一項不與五金并重而權利所在人必爭之未開採以前局外中立者置之不聞不問一旦地寶發現地痞垂涎往往夥集無賴之徒或藉大幹以生枝或截紅路以搶奪以致衝突蠱起訴訟莫決湘省之習慣到處皆然似此行爲不特於私人之利權大被損害而社會之秩序亦大受影響兩等有見於此不得不作預防之計以杜後日爭競之由是以繪圖一紙并繳租契一紙理合呈請 鈞署察核賞准立案令飭郴縣知事履勘呈覆出示保護以擴利權而崇實業實爲德便感激上呈等情據此除批據呈該商承租郴縣西鳳嶺涼亭下煤鑛山一處擬請飭勘探採等情果否於民田廬墓均無妨碍糾葛仰候令飭該縣知事勘復核奪租契圖說附牌示外合行令飭爲此令仰該知事即便遵照親詣查勘該鑛於民田廬墓有無妨碍及他項糾葛逐一填表繪圖貼說據實呈復以憑核奪毋違此令

湖南民  
政長印

中華民國三年五月十三日

都督兼民政長指令

令臨武縣知事



實業司案呈據賞該縣元年份農林統計報告書到署查閱表載各項填造尙屬合格應候彙案報部惟二年份農林統計造報期限又屆亟應一併填齊以憑彙轉合行令仰該知事即便依限查填具報勿延此令

湖南民  
政長印

中華民國三年五月十三日

都督兼民政長指令

令鄱縣知事

教育司案呈據該知事呈該縣講演機關尙待籌款遵辦請察核各情查通俗教育事業關係甚鉅途術綦繁其簡而易舉切而有功者莫如講演一項該縣地方瘠苦財政奇絀委屬實情但能加意撙節設法推行則需費無多成效自著至演員之任用講材之采輯務須格外審慎周詳毋使別滋流弊所有講演稿案尤應隨時彙費以憑核報合行令仰該知事即便遵照辦理此令

湖南民  
政長印

中華民國三年五月十二日



都督兼民政長訓令

令瀏陽縣知事

財政司案呈查該縣上年借領省倉穀肆千零柒拾餘石早經該縣呈報派員解運到省并經本署填發命令飭省倉照數量收現逾多時查閱省倉收穀日報該縣僅繳過玖百六十四石五斗零以後并未續繳本年三月本署因穀價昂貴且將屆青黃不接之時恐各屬辦穀爲難業經通令按照上年發穀時價每石折繳銅元二串四百文由公家買穀填倉在案該縣欠穀業已呈報起解是以懸案待繳現在該縣究竟已否解穀來省仰卽速催繳穀人刻日赴倉報解倘或仍未辦有穀石准予援照通案折價清繳以資結束不得再任遷延是爲至要合行令仰該知事卽便遵照切切此令

湖南民  
政長印

中華民國三年五月十四日  
都督兼民政長訓令

令欠繳倉穀各縣知事

財政司案呈查上年各縣借領省倉穀石迭令催歸尙多懸欠本年三月因穀價昂貴且將屆青黃不接之時恐各屬辦穀爲難因子格外體恤准照上年發穀時價每石折繳銅元二串四



百文限於三月底一律清繳由公家買穀填倉在案現在限期已逾該縣尙未繳解來署殊屬延玩合亟令催令到該縣迅即遵照前令嚴飭各該經手員紳查照後開所欠穀數刻日措款解繳以便購穀填倉藉裕儲備如再遷延定即派員守提仰即遵照切切此令

計開各縣欠穀數目

瀘溪縣欠穀叁千石正

新田縣除解繳外尙欠穀柒百壹十三石三斗五升一合

沅江縣欠穀二千石正

道縣欠穀三千石正

郴縣欠穀三千石正

湘陰縣除解繳外尙欠穀五千二百石正

寧鄉縣除解繳外尙欠穀四千二百四十石正

長沙縣除解繳外尙欠穀四萬四千五百七十一石正

益陽縣湘益西林圍欠穀一萬六千石正

湖南民

政長印

中華民國三年五月十四日



公文

內務總長朱啓鈞呈 大總統擬具禮目繕呈鑒核批示文并 批(附清單)

爲呈請事二月二十五日本部設立編訂禮制會呈奉 大總統批據呈已悉准如所擬辦理此批等因奉此本部遵卽延聘耆碩充任會員并於部員中通達禮意者遴選數員會同詳議查編訂禮制事項前經國務院呈請商訂禮制奉令交辦在案謹案漢書禮樂志曰六經之道同歸而禮樂之用爲急民國肇興撥亂反正日不暇給 大總統猶命制定禮儀以正風俗之失杜淫辟之漸誠爲治之先務也昔三代之禮皆有損益况乎國體既更勢必不能因襲舊故竊以爲禮之綱紀有四一曰循禮意二曰順人情三曰適法變四曰協時宜自周衰禮廢諸侯僭忒惡其害已而去其籍秦漢以還議禮者咸囿於禮不下庶人之說典章文物職在王官民間所行置而不問故唐開元於冠昏之節衣服之辨止於士而不及庶人至宋始定庶人冠昏諸制明清又加詳焉然上較王制疏舛已甚易命之後帝政蕩覆不以一家私天下則復古之禮轉無憂其窒塞蓋反古云者非在於節文度數之微直欲推尋本旨以敦世厚俗爲歸而納齊民於軌範孔子曰禮云禮云玉帛云乎哉言非以節文爲貴所謂循禮意者此也夫民州居而萃處各率其性以成風俗聖人乃因其自然而齊之以禮大抵抑其太過企其不及於人情之所好必順其欲焉而爲之制於所不好必變而通之以導其行故曰禮由人起又曰禮者養也然俗多變遷則禮尙因革今者耳目漸摩寔殊於古昏喪賓祭諸儀必有繁簡異用新舊異



宜者折中釐訂以求至當卽民之心稍稍制作所謂順人情者此也劉向有言教化所恃以爲治刑法所以助治明禮法二者相濟爲用苟有牴牾卽失其效矣今民法草創頗多斟酌泰西以濟時變則禮文之制亦宜宛委相從揀其不適補其未備使可以并行而無糾結所謂適法變者此也記有曰禮時爲大順次之體次之宜次之稱次之時極凌亂以秩叙紀之是爲順時值紛更以簡敬主之是爲體民智未齊則宜從其好惡之同世變初定則應稱其豐殺之節矧五洲棣通情勢日異不謀更化何以企進於大同所謂協時宜者此也本此四綱分案五禮遠考遺書近稽先例旁徵學說廣鑒列邦苟有疑乎古義拂乎民情內與法戾外與時違者皆闕而不議凡定吉禮四嘉禮八賓禮軍禮各二凶禮一別爲目錄由在會各員先後分別提議逐項簽註一再審查始行起草案經衆議僉同折衷解決擬具禮目一通其中各項禮制有關係外交陸海教育各部主管者應候批示後再與各部協同商訂彙編以昭慎重而蘄美善是否有當謹將禮目繕具清單呈請 大總統鑒核示遵謹呈

批據呈已悉所擬各節均屬允協仰卽會同主管各部妥爲核議呈候酌奪此批

大總統  
印

中華民國三年四月八日

謹將編訂禮目繕具清單呈請鑒核



吉禮

一祀天

二祀孔子

三祭有功德於民者

四家祭

禮有五經莫重於祭故歷代均以吉禮冠諸禮之首有史以來祭之列在祀典者不外四類曰報本反始曰崇德報功曰追養繼孝曰祈福禳禍而淫祀雜祀宗教諸祀不與焉報本反始祭天可眩萬物本乎天必物物而祭之數矣崇德如祭孔子及諸先聖先賢先儒與凡蒙難艱貞獨著奇節足爲後人矜式者報功如祭法所謂法施於民以死勤事以勞定國能禦大災能捍大患凡有功烈於民者今奉 大總統明令祀天於天壇祀孔於文廟禮之最尊無逾二者他如祭有功德者擬援民國先烈祠典例仿日本神社之制分別釐定功德在國則以國費祭之而爲國祭功德在一方則以地方費祭之而爲公祭家祭者所以追養繼孝苟卿云尊先祖禮之本也是爲私祭亦應擬訂通則俾有遵循此外祈福禳禍及後世所謂護國佑民諸神徒啓國民奢求倖獲之心而無裨於恐懼修省之實當與淫祀雜祀一切刪除其宗教諸祀苟有不背憲法不冒公安者悉聽民便不爲禁止



嘉禮

一 大總統就任禮

二 覲謁 大總統禮

三 國慶禮

四 授予勳位禮

五 昏禮

六 學禮

七 饗燕禮

八 鄉飲酒禮

易言嘉會足以合禮周禮大宗伯以嘉禮親萬民以此明嘉禮之關於民事者尤多也  
謹案 大總統就任禮覲謁 大總統禮授予勳位禮均已分別頒布應列入嘉禮國  
慶大典前代所無所行節文尤當詳議昏姻爲人倫之始庠校爲教化之基植此夫婦  
道苦學風橫流不加檢柙何以化民成俗而防淫辟之行乎記言禮始於飲食又言禮  
尚往來則食饗燕飲之禮亦民間酬酢所不能廢末俗浮華競尙奢侈今擬量加限節  
而以物薄情厚爲歸鄉飲酒禮尊賢尙齒古道未亡擬去其繁縟求其簡而易行者存  
之右列嘉禮中學禮應會同教育部議訂



## 賓禮

### 一 國際禮

### 二 相見禮

親交睦鄰政之大者所有國際禮應由外交部將已訂及應訂者分別議定彙交本部編入賓禮至蒙藏各屬亦多輸誠傾嚮觀會慶賀之使接踵相望應一併由蒙藏事務局審議儀節送部彙編其百官士民相見禮亦宜各有分際俾免詭瀆之譏今擬別爲官與官相見官與民相見民與民相見三種比類相從次於其後

## 軍禮

### 一 陸軍禮

### 二 海軍禮

國之大事在祀與戎而稽考典籍軍禮獨闕而不詳今民國肇建采行西制 大總統有統率海陸軍之權所有出師勞師誓師校閱及典禮尤宜審慎編訂以重戎政他若將校相接以及軍艦軍隊所行各禮並應由陸海軍部規定若干種彙交本部編次成書

## 凶禮

### 一 喪禮

國葬禮附



古者凶禮有五獨喪爲民之所重孔子言所重民食喪祭是已三年之喪歷久相因衰麻之數擗踊之節居處之別飲食之變聖人本乎天性之自然而制爲禮故曰喪具稱家之有無又曰喪與其易也甯戚後世飾痛彌文中誠彌僞亟應緣情制宜以哀爲主其宗子收族立後歸宗服制輕重各節尤必期與民法無相牴觸至各國通例自元首以至於在職百官凡有大勳勞於國者以國禮葬之故別爲國葬禮附焉

都督兼民政長致貴州民政長公函

逕啓者財政司案呈據湘路股款清理處呈稱案查黔陽周前知事濫欠解庚戌下忙租股錢七千六百六十四串七百二十八文經前公司先後呈咨前都督暨前藩司前民政財政兩司嚴催勒繳在案查前清奏定租股辦法章程第十條內載明此項租股無論地方何事不得動用分文如遇卸任移交應與任內正雜各款一體列於交代倘有延擱不解照經征錢糧例核辦是租股與錢糧事同一律關係均極重要倘該知事始終抗匿不到此項欠款終歸無着本處卽無從追繳殊於人民財產公司信用大有妨害理合備文呈請察核迅賜函請貴州行政公署將周前知事濫原籍遵義家產查抄備抵以重股款等情據此相應函請貴民政長煩爲查照迅賜飭傳該前知事周濬到案勒限繳款如再遷延卽將家產查封備抵仍希見覆核辦實緝公誼此致  
貴州民政長



中華民國三年五月十四日

湖南政報 公文

五月廿號

十九



通告

銓叙局通告

本局改訂勳章執照式業經呈准照印因花樣繁複刊印需時故一時未能頒發所有自本年一月起已經奉 大總統令給予嘉禾章者即希隨時函知本局先行領取嘉禾章俟新式執照印成隨時補發特此通告



官書報局廣告

啟者本局開辦已近數月印刷廠早經成立所有機器鉛字等項極為完備所用紙張均係上選材料價目格外從廉印出各品亦甚精工嗣後如各機關有應行排印之件請逕向本局經理處接洽為幸

其二

啟者本局設立編輯處延聘碩儒鉅子編譯經史政治法律經濟各種書籍暨專門學校中小初等各學校教科參攷各書並奉 令將前辦之圖書編譯局歸併合辦所有各書正在從事編輯其已出版者特為標出各界諸君購閱請逕向文運街本局總發行所面訂可也計開書目如左

國語教授法  
算術教授法  
手工教授法  
圖畫教授法

以上四種日本田中廣吉著南州熊崇煦譯

合購洋一元一角四分正

- |          |     |     |
|----------|-----|-----|
| 初等小學讀本   | 第一卷 | 洋五分 |
| 初等小學讀本教案 | 第一卷 | 洋二角 |
| 初等小學讀本   | 第二卷 | 洋六分 |
| 初等小學讀本教案 | 第二卷 | 洋三角 |



初等小學修身書  
 初等小學修身教案  
 初等小學修身書  
 初等小學修身教案  
 初等小學修身書第一卷掛圖十三張  
 初等小學算術教案  
 小學各科實際教授法  
 手工教科書  
 少儀教科書  
 兒童教授法  
 兒童自力研究之啓導法  
 兒童個性之研究  
 新教育學

第一卷  
 第一卷  
 第二卷  
 第二卷  
 第一卷  
 第一卷

英國博克禮爾氏著  
 江蘇謝慧叔譯  
 日本相島龜三郎著  
 湘潭胡邁譯  
 英國耳哈博士著  
 南昌羅黑子譯  
 美國麥加利博士著  
 南昌羅黑子譯  
 日本大川義行著  
 長沙楊樹遠譯  
 日本大瀨甚太郎著  
 長沙黃獨譯

特裝合  
 訂一册  
 特裝每  
 册二册  
 常裝  
 特裝  
 常裝  
 特裝  
 常裝  
 特裝  
 印刷中  
 印刷中

洋三元  
 洋一角  
 洋四分  
 洋一角  
 洋二元  
 洋二元  
 洋二元  
 洋一元五角  
 洋一元七角  
 洋六角七分  
 洋四角  
 洋二角二分  
 洋四角